



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : CUHKFAA CHAN CHUN HA SECONDARY SCHOOL

學校名稱 : 香港中文大學校友會聯會陳震夏中學

Name of Play 劇名 : 夢想

Script writer 劇作者 : 李荀琴 (校外學生)

Synopsis 故事大綱 :

三個少女，對夢想有不同的想法：有人只求快活，得過且過；有人卻不擇手段；有人想堅持理想，可惜不獲認同，被迫委曲求全。究竟如何才是成功，令夢想實現呢？揀咸魚青菜定名利雙收？自欺欺人還是及早回頭？不想令夢想落空，想夢想能夠真正實現，從而得到成功。她們會如何抉擇？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一幕

(幕開，Amanda 和夢露邊玩遊戲機，邊等若男)

A： 搞錯呀！若男咁耐架！

L： 唏！打工仔係咁架啦！識左佢咁多年，你唔係仲未慣呀！

A： I know, but, 十一點啦喎！

L： 得啦！幫我打埋呢局先啦！個張飛好猛呀！

A： OK！我要趙雲！

L： 好呀！落閘放赤兔！

A： 戰況如何？

L： 佢砍左我二千兵馬呀！

A： 放心！等我幫你報仇！

(若男出)

若： 喂！姐妹！返來啦！

A： 呀！我個趙雲呀！

L： 劉備~~~~

(若男上前，面向觀眾，狀甚激昂)

若： 三國人物響噹噹，趙雲曹操劉關張，因為兩個傻婆被砍傷！被砍傷！

A+L： 想死呀！

若： 唏！講下笑咋嘛！Don't serious!

A： 係Don't be so serious!

L： Wow!學下嘢啦！天后餵錢落你袋呀！

若： 係係！小人唔岩！小人唔著！兩位天后今日咁「錯盪」呀？唔洗拍片咩？

L： 拿拿拿！講清楚D 呀！天后就天后！不過我地拍既片係totally difference 架！

A： 米係！我既片係educational，唔係一般市面上流通既片種！

L： 係囉！我拍既片係非一般既wonderful 架嘛！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(A 和L 對峙)

若男： 相啖唔好口，大家都係天后，米打個和囉！

(A 和L 異口同聲)

A： 補習天后

L： 影壇天后

若： 哦！好！補習天后、影壇天后、啖交天后、下一站天后，停火未呢？

A+L： Shut up!(推開若)

L： 我揮一揮手，大把fans 跟我走！

(fans 們出)

FansA： 夢露！係夢露呀！

FansB： 係啲！夢露！

FansC： 你真人靚過上鏡呀！幫我簽個名呀！

L： 得！得！得！逐個來！

(簽完向後拋，Fans 爭相搶著要)

(L 走向A，勝利姿態)

A： 我錄一錄video，

(學生們出)

學生們： 有Amanda Lam，考試唔洗驚！

A： Who am I ？

學生們： 補習天后，最高成就。

A： What is your target?

學生們： Grade A! Grade A! Grade A!

(與此同時，Fans 一同叫夢露！夢露！夢露)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

C： 叮！叮！

(A 與L 的fans 和學生們把聲量減弱)

C： (拿著紙筆)又係落單既時候！嗌左咁耐，都覺口渴兼肚餓呢！本餐廳現正推出全港獨一無二、一枝獨秀、有你無我、無我就食唔到既創意套餐！

(夢露見沒有人理睬C，便以性感姿態走向C)

C： 夢露天后性感特賣餐！

Fans： 我要！我要！

C： 係係！3 個！6 個！9 個！18 個！嘢飲唔！茶錢另計呀下！各位埋邊坐！好快到！

(Fans 坐下)

(Amanda 見狀，亦幫若招生意)

C： 激嘗學生優惠特價餐！

學生： 我要！我要！

C： 係係！2 個！4 個！8 個！(A 瞪大眼望向C：唔?)18 個！包嘢飲，唔包加一，服務費另計！呢邊請！

(學生們坐下)

C： (抹一抹汗)呼！生意滔滔不絕呀滔滔不絕！多謝兩位提攜小妹！

A： 又唔係你賺！開心D 咩！(邊說，邊與fans 揮手)

L： 咪就係！拎雞碎咁多人工就咁賣命！六千蚊夠我買頂帽定買對襪？上進D啦！
(邊說，邊與學生們揮手)

C： 打工唔係淨係求人工！

A+L： 咁係求咩呀？

第一幕完

第二幕



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

L : 係聽呢個古仔之前，你未必識我，聽完，你可能會想黎識我，你會賞識我，又或者你會憎我，想打擊我，不過，無論如何，我淨係想你記得…我係邊個。大家睇下我，幾咁風情萬種、嬌艷迷人，一睇我就知道我必定會成為萬千少男少女心目中既女神！所以呢，而家d 導演都好鍾意搵我幫佢地拍劇！點解呀？因為新一代夢露 is me!

(MUSIC, L 埋位與一眾舞者跳舞)

L : 你有無夢想？係呀！你呀！（走向台前，問觀眾）CEO？For what 先，Certificate Examination？Omygod？行政長官？（眾舞者：不切實際！）文員仔喎！（眾舞者：無D 大志！）要做梗係做大佢啦！

(A 與小a 從後台出)

小a : 我的志願是做一名教師。因為爸爸經常說我對他發號施令，又常常一問九「頂」，舉一反三，只可以是做領導別人的料子，不能做白領受氣。

(若與小若從後台出)

小若 : 我…我…我的志願是…是…白領。因為朋友說我只有被人發號施令的料子。

L : oh ! no ! 你睇下我呢兩個朋友！一睇佢地個樣就知佢地一個毫無理想，一個毫無大志！咁點得架~~當我係movie star 果時，佢地仲係人生小配角咋。（示意A、小a 與C、小c 離開）欸~呢個妹妹仔，你呀，你咁樣望住我，係米係度諗，點解我可以做到主角？

(MUSIC)

(導演坐在台中，L 挑逗導演，與導演共舞，最後把導演拉進後台)

(轉燈)

A : Beautiful and ugly! I am beautiful. You are ugly. Hahaha!

(學生們專心聆聽著A)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

A : 咳！Well! Just joking! 放鬆d! relad! 考試唔代表一切！分數亦唔係你既全部！
跟住我愉快學習啦！

(學生們不滿)

A : 唔！其實學英文呢！可以有好多唔同既途徑架喎！你地有無玩Facebook 呢？

學生 A : 有呀有呀！

學生 B : 我琴日被人綁架呀！

學生 C : 下？

學生 A : 入邊果個功能呀！Miss！你都有玩架？

A : Well! Facebook,有！

學生 B : 咁話我知你個user name 呀

A : 唔…好啦！Face! (拿起Notebook)Book!(拿開Notebook) Face! (拿起Notebook)
Book! Facebook!

(學生們呆望著A)

A : 咳！Well! Relax! Haha! Just for fun.

(學生們非常不滿)

學生A : 老師！上得堂未？

(學生們埋頭做w.s)

A : 咳！咳！(面向觀眾)Well! You know. 佢地好shy 架！不過，唔緊要呀！我會激發起佢地
對學習既熱誠！重新投入愛的英語課！(望向學生)學生唔應該係考試既機器。

(音樂出，A 進入她的夢幻中)

學生A : 咳！咳！

A : (上前)小心身體呀！

學生 B : (伏案而哭)我唔識呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

A： (遞紙巾給學生B)慢慢來啦！

(學生C 托腮苦惱)

A： (拿起學生C 電話，入電話號碼，遞給她)有事打俾我！

學生們： 老師你好好人呀！

A： 老師？Yes! I AM!

(音樂停止)

(熄燈)

(開燈)

(若出)

若： (面向觀眾)多謝幫襯！下次再來過呀下！

經理： 返工準時，做嘢又勸力！呢一千蚊勸工狀抵你拎既！

若： 多謝經理！

(經理下)

若： 做侍應，無咩唔好呀！朝七晚十一，係就係辛苦 d！之不過咁，做呢份工，咩工種都俾我做齊，長工、替工、臨時工，鍾意做邊份就做邊份！又自由，又有彈性！經理又賞識我，睇得起我！佢仲話，迴多幾年，升我做侍應主任助理添呀！(停頓)唔！唔係無諗過搵第二份既！之不過……

(台上眾人在若男說話時，會做一些抹枱、掃地等動作)

眾人： 中三畢業？

若： 唔！

眾人： 工作經驗呢？

若： 有如江水滔滔不絕呀滔滔不絕！拿！茶餐廳、大快湏…PizzaHut 外賣部啦…

眾人： 有咩分別？

若： 完全唔同！完全唔同！一個坐定定等我！一個排晒隊等我！一個係屋企等我！

眾人： 車！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

若： (無奈)仲好！做返自己老本行！我做侍應咁耐，03 年沙士影響唔到我；08年金融海嘯又沖唔走我。份工叫做係穩穩定定，計落唔係鐵，都係銅飯碗呀！

若： 劉華都話啦，服務性行業對香港好重要！香港經濟都係靠我地班星斗市民咋！

若： 人工係唔高架啦，之不過，又咁睇呀！正所謂，民以食為先，炆炒燒焗煎！

(轉向客人殷勤招待)請問條魚想點煮呢？

第二幕完



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第三幕

若+A+L： 夢想！

若+A+L： 你地唔係！

若+A+L： 我先最成功！

(若+A+L 對峙)

A： 咁落去

L： 唔係辦法

若： 搵人幫手

若+A+L： Miss 鄭！

(Miss 鄭出)

鄭： (坐下)你地仲係咁好感情，太好啦！記得你地係學校果時都係成日為左小事嗌晒大交！

哈！

小 L： 無理由！

小若： D 理由滔滔不絕呀滔滔不絕！

小 A： well~就一杯菊花茶有無菊花呢個話題來講，係…相當之無聊架！

小 L： 咁無理由檸檬茶有檸檬，菊花茶就無架嘛！

小 A： 咁大家都係同學，我有護背脊書包，你有無呀？

小 L： 你！

(小A 和小L 對峙)

小若： 唔好咁啦…話唔定菊花茶會有菊花。你聽日就有護背脊書包呢…

小 A+小L： 收聲！哼！

A： 今次唔同！

L： 好認真！

若： 事關我地既終身大事！終身大事！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- 鄭： 呀呀！依然無變…
- 若： 做侍應都可以出頭！
- 小 L： 你要做白領？
- 小若： 唔。而家搵食艱難，今日唔知聽日事，媽媽話我份人又蠢又唔及得上男仔咁大力，所以要搵返份有工開有糧出既工，先可以睇住班細佬妹。
- 若： 中三畢業，無可能啦！
- A： 我一向都係以老師作為目標出發！
- 小 L： 老師？
- 小A： Well~Miss 鄭拎住支咪好威，鬧人果時好型，同我地玩又夠nice 啲！被班同學仔圍住既感覺very good！
- 大 A： 補習社D 學生都幾鍾意我呀……
- L： 哼！影壇天后實現夢想，又名利雙收，邊個夠膽否定我既成就？
- 小 L： 我要做明星！
- 小 A： 咦~唔正經~~媽媽話女主角，要靠跌駁架！
- 小 L： 我先唔會！
- 小若： 咁點做女主角？
- 小 L： 唔……我…我咁迷人，你方我會食塵咩~~~HOHO!
- (L 心虛把膊頭的衣服拉回)
- 鄭： 人大個左，想法唔同左，就會有所改變。
- 小若+小A+小L： 我地先唔會！(看向若+A+L)可？
- 若+A+L： 唔……(擰轉頭)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(若+A+L 電話響)

若+A+L： 喂！喂喂！Miss 鄭我有事走先)

(小若+小A+小L 無奈地對望)

鄭： 呵呵！Change…

第三幕完



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第四幕

(台分兩邊：左邊為茶餐廳；右邊為小販車)

(若苦惱，同時眾人說話)

眾人： 因呀……你幾時匯錢返來呀……上個月你匯返來果二千蚊洗晒啦…你知啦，你 D 細路妹個個唔係升小學就升中學，學費雜費一大堆，屋企D 燈油火燭都要錢架嘛。唉…我唔係逼你呀，我都知你有困難，如果你係男仔，體力好 D，搵食都容易D 啦！

(若首先在茶餐廳招呼客人)

若： 2 個A 餐！可樂、齋啡！即到！

(若在客人中來回奔走)

(然後，茶餐廳燈暗，到右方推小販車叫賣)

若： 六蚊串大大粒魚蛋！爽口又彈牙呀~!!

(若與眾人叫賣)

(後台傳來警察的聲音)

警察乙： 無牌經營、阻塞通道，仲想走？

警察甲： 追！

(眾人紛紛走進後台)

(若想逃走時，被警察捉到)

(黑燈)

後台聲音： Lu Lu，你點搞架！D 記者收到風你同李導d 嘢，叫左你小心d 架啦！你快d 行開陣，避下火頭先啦！

(開燈)

(L 從後台出)

記者A： 聽講你介入李大導同葉碎碎既感情，係米真架？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

L： 唔係事實既我唔會回應。

記者 L： 突然一週影到你上個禮拜「又」去李大導屋企過夜喎！

L： 我有朋友住係同一幢大廈，不過唔係李大導。

記者 C： 但葉碎碎話佢憎死第三者喎，果個第三者係米你？

L： 唔係！

記者 D： 我地岩先收到風，有市民見到你前日去醫院墮胎喎，個bb 係米李大導架？

(記者們嘩然)

L： (激動)你邊間架？叫咩名呀？小心我告你誹謗！

(記者一湧而上)

記者們： 係米真架？逼婚不成？被逼墮胎？回應下啦！

L： 借借！！

(L 推開記者，快步跑入後台)

(A 出)

(校長跟著出)

校長： 有無搞錯呀！你補習天后，同班學生講求學不是求分數？

A： 一時口快……

校長： 一時口快，45 宗投訴呀！唔求分數，人地來補習社做咩呀！我一年俾過百萬請你返來，你唔係跌我呀？

A： 我……

(學生們出)

學生A： 晒時間係度搞爛GAG

學生B： 又自以為好好笑

學生 C： 扮關心學生搏咩？

學生 A： 晒時間

學生 B： 晒精神



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

學生 C： 晒錢！！

學生們： 回水呀!!!

A： 你地聽我講先啦……

校長上前： 你俾個合理既解釋我！

學生們： 回水！！

(A 入後台，校長及學生們追)

(播歌「一追再追 只想追趕生命裡一分一秒，原來多麼可笑」)

第四幕完



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第五幕

(若男坐在台中間穿膠花)

若： 一百…一百一十……一百一十一…(揉眼，疲累)

(A 從左方出，L 拿著酒從右方出，並在飲酒)

若+A+L： 唉！

若+A+L： 你地點解？

若+A+L： 又話成功？

(若+A+L 靜)

A： 係呢，穿膠花呀？

若： 唔！五毫子一個。

(L 已有醉意)

L： 你唔係做茶餐廳侍應咩？做咩轉行？

若： 打自己想要既工，搵錢俾自己洗，就梗係好啦！但仲要搵錢養屋企人，就唔係咁講，呢個世界唔係得我一個人……細個識咁諗，大過反而到而家先諗得明。

A： you're right!呢個世界好多人。好多唔同既人有唔同既想法。勉強自己「合群」？no!我唔會隨波逐流。但…去邊先到同我有相同想法既人？

L： 咸魚青菜，顧到自己，顧唔到屋企人；名利雙收，顧到屋企人，又顧唔到自己想法。我係性感女神夢露第二，電影女主角，但係我連自己既人生都演唔好，劇本一塌糊塗。

L： 點解會咁？

(音樂出，轉燈)

(A、L、若回到學生時代)

A： 送俾你既。

L： 哇！多謝！咩尼架！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- A : 你估下？
- L : (拆開)衛生巾？
- A : 今日係你第一次做演員，雖然係老臨，都總算係你演藝生涯既開始，實現你夢想的第一步。
- L : 咁就唔好咁慳家啦！
- A : 唔係慳家，我係希望你唔好成世做茄哩啡，好似衛生巾咁攝下攝下呀。
- L : 咁都得？
- A : 你記住用喎！
- L : 吉祥物唔用得架？
- A : 唔用又點會紅呀！
- L : 哈哈！咁都俾你諗到！多謝！
- (若跑出)
- 若 : 對...對對唔住！我遲左！
- L : (不滿地)得啦你！我咁重要既日子都遲到！
- 若 : ...對唔住...
- A : 去邊尼？
- 若 : ...打工...
- A : 又係散工呀？你份升學志願填好未？
- 若 : 未...是但啦...
- A : 是是但但，鼓油撈飯。
- L : 你呢？
- A : 老師！我要做老師。
- (音樂停，轉燈)
- L : 點解會咁？
- A : 單緋聞係真架？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- L : 墮胎係假架！(憤怒地走開)
- A : 咁同李大導過夜係真既？
- L :
- 若 : 過左去就算啦。
- L : 仲來唔來得切？(回望A 及若)
- A : 唔試過點知？
- 若+A+L : CHANGE!

第五幕完



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第六幕

同學甲： Miss！我地唔係母語教學？

A： 無錯呀！

同學乙： 今日落雨喎！

同學丙： 落雨又點「母語」教學呢？

同學們： 唔好教書啦！

(A 示意同學安靜)

A： 背首出師表尼聽下啦！

同學甲： Miss！漠視民意要掙香蕉架喎！

A： 你哋背得出，我咪唔教。

(同學寂靜一片)

A： 教不嚴，師之惰。子不學，非所宜。幼不學，老何為？每一粒種子都要澆水施肥，先可以健康地拙莊成長。今日我唔教，你地唔學，咁將來呢？書到用時方恨少，第時你地就會感激我啦！唉！又要我講D 老套說話。下堂測驗啦！

同學們： 下...又尼呢招？

A： 咁你地有無其他問題呀？

學生甲： 有呀有呀！Msis！你之前講幾個人，最後邊個成功左？

A： 成功？(笑)

(L 出)

A： SEXY？

學生們： YES!

A： NO！

(L 在練習演技)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

L : 我揀好啦，我梗係揀浩南啦.....做得唔好

L : 我揀好啦，我梗係揀浩南啦.....但浩南好窮嗰，見到D舊同學咪無晒面！定還是揀番
羅白尼.....

(L 繼續練習演技)

(若和DAISY 出)

若 : 三樓Daisy 急件！

D : 今晚食飯HAPPY HOUR 直落！

若 : SORRY 呀~唔啦。我報左個電腦COURSE 呀!

D : OK !

(D 下)

A : 咁叫唔叫成功？

學生 : CHANGE !

A+若+L : YES ! WE CAN !

__全劇終__